

Prijs f 0.50



Een groep onzer Bevrijders - 15 April 1945

Winschoot


in

Bezettingstied

1940-1945

Winschoot in Bezettingstied 1940-1945.

10 Mai 1940 was de dag,
Dou ons trof dei grote slag.
As 'n onweersbui ston daor
't Haile Duutse leger klaor.
Mensen, wat gaf dat 'n schrik,
Want dei moff'n war'n vet en dik.
Aal ons brogg'n ging'n in de locht,
Bie de straot en in de bocht
En bie dei brogg'n was gain hoes
Waorvan het glas nait lag in groes.





Naovief daog'n van verzet
Was 't oet met de pret.
Nederland het captuleerd,
Wor met Zes en 'n kwart vereerd,
Aan zien rechterhaand zat toun dei klaine man
En ook de generaol der laigers kwam.
Aal dei hoge oom's ging'n dou kiek'n
Welke burgmeesters maor mos'n wiek'n.
Winschoot was ook bie de nummers ain,
Maor'veur ons beston Romijn allain.

De eerste jaor'n wör'n ook oet onse buurt
Hailbult manluu naor Duutsland stuurt.
Dat was veur de maiste vrouluu stoer,
Want er lag van alles op de loer,
Maor ook bie dei manluu ver van huus
Is 't wel ains nait pluus.
't Haile hoesgezin is oet mekaor,
Vaoder is hier en de zeuns binn'n daor,
Maor ainmaol komm'n zai weer in 't laand
En den geem'n ze mekaor d' haand.



't 4de oorlogsjaor is begonn'n,
Nog het Duutslaand het nait wonn'n,
Nou eerst gait het mit geweld,
Dat het Churchill ja veurspeld.
De invaosie komt en eerstdaogs
Raok'n wie met de moff'n slaogs.
't Was 6 Juni 's mörgens vroug
Toen het ging deur stad en loug:
De invaosie! Britt'n en Amerikaon'n,
Eisenhower mit zien onderdaon'n.

Maor de Duutser zee: gain nood,
Want wie maoken 't haile zaokie dood!
Jao, de mof dei kon goud praot'n,
Maor hai mos dat toch wel laot'n,
Want in betrekk'lijk kôrte tied
Was hai Frankriek en ook België kwiet.
Toun hierop of met 't haile stel,
Zai docht'n hier wonn'n zai 't wel
Met de hulp van N.S.B. VI en 2
Blift de Tommy wel op zee.

Hail ons laand was' dou in spanning
Hou dei baiden het wel ging.
En hou dichter dat de Tommy's bie kwam'n,
Hou meer Duutsers toun de vlucht nam'n.
In 't zuuden van 't laand was 't gauw klaor,
Maor 't aander duurde 'nog 'n haalf jaor.
En eer hai kwam in onze stad,
Heb'n wie 'n hailbult lasten nog had.
Dit stait in 't aander dail beschreef'n
Net of wie 't aalmaal weer beleev'n.





1944

Eerst kregen wie de tied O. T.
Dei was zoo moffig, zoo oké,
Hail Winschoot luij met schup'n en pak,
Maor de handen in de zak.
Want aan 't waark'n had'n zai gain zin,
Aalmaal kreeg'n ze de pest dou in,
d' Hãile dag op 't station, maor gain nood,
d' Aine luij met de paane, d' aander kreeg wat brood,
End'lijk sporen ze naor Appingdam,
De maisten waar'n o zoo lam.

Daor van daon naor Haoren,
Ondanks vouten vol met blaoren,
Toun aan 't graoven in modder en sliék,
't Waark was 't zulfde veur aarm en riek,
Maor al gauw ging'n ze aan 't verzin'n,
Want zai zoll'n daor wat op vin'n.
En jao wel heur, nao ain dag of zeuven
— 't Is haost nait te gelev'n —
Was haalf Winschoot hier al weer,
Aine haar 't in de maoge, d' aander dee de rogge zeer,
En aan 't waark veur de O. T.
Dee gain aine meer aan mee, oké!




1944

Later was d'r fietsenvordering,
Dat was ook zo'n onwies ding.
Fietsen met gain han'n derom,
Jao, de landwacht was zoo dom,
Altied luip'n dei luu bie nacht,
Dat was ommers al verdacht,
Alles ging met naor het buuro,
Want de Duutsers wol'n dat zoo.
Heerenfietsen was 't bevel,
Maor ook daomes nam'n zai wel.
Want, zoo gingen de geruchten,
Moffen ken'n daor ook wel op vluchten!

16-2 1945

Lucht-alarm, daor heij' het,
Jao, dat was dei male dag
In Februaori, toun het daip dicht lag,
Kwam ain autobus, daor om de bocht
Vol met moffen, en de Tommy in de locht,
Daor ging 't hen, vlak veur ons hoes
Schoot de Tommy toun pardoes,
Aale moff'n waar'n doodsbenauwd
En de bus maor oetgesjauwd.
Dat was veur ons het ongeluk,
Want wie kreeg'n toun de houdel stuk.





28-2 1945

Nog ain angstig oog'nklik
Vol van spanning en van schrik
Was d' aov'nd van dezulfde maond,
Want dou was er weer wat gaond.
De gasfebriek kreeg nou 'n beurt,
Ook hier wôr nait gezeurd,
Kört en hondig was de slag.


Alles puun en schaarv'n wat er lag,
Baide kokers waar'n nou kapot.
Veur ons vrouwluu toch ain lot.
Waor ons eten nou op kook'n?
Maor honestro, dat wil goud rook'n.

12-3 1945

Nou nog ainmaol krigt onze stad —
Jao, wie wor'n de oorlog zat —
Ain benauwd oog'nklik,
En elk dei krigt een aarge schrik,
Weer was 't om de bocht
En de Tommy in de locht.
't Lochtallaarm was al weer gaon,
Hail Winschoot weer ontdaon,
Dou hai smeeet een klaine bom
Was aal 't glas weer kapot rondom.

Jao, wie hebb'n dus wel wat mitmaakt,
Maor gelukkig het dei bom niks raakt,
En drei daog'n nao dei tied
Waar'n wie de moff'n kwiet.
Weer was Winschoot ain in alles,
Want de lol kost niemandalles,
Hail Winschoot ston bie de brogge,
Maor nou nait mit kromme rogge,
Op de komst van onz' bevrijders,
Van die dapp're fiere strijders.
End'lijk jao, daor hei je z' heur,
Tanks en mótor, dat gait veur.





Jao, daor komm'n ze, 't is de Pool
Dei wordt inhaold onder pret en jool,
Aal manluu loop'n mit 'n cigaret,
Maor al gauw hebb'n ook de vrouwluu pret.
Nao ain week dou kwam de Canadees,
Mit heur ook veul angst en vrees,
Hail wat jongs en manluu zaat'n weer in angst,
Want de wichter en de vrouwluu naam'n z' in ontvangst
In dei daog'n was 't ain waore roes,
Want gain wicht dei was in hoes.
Altied 's aov'nds bie de straot
Mit de Canadees aan 't praot.
Maor aan alles rakt men weer gewoon
En zai moss'n toch wat loon.

Nao ain afwezighaid van vief jaor
Hebb'n wie weer ons Könegin en Prins'lijk Paor
Ook Beatrix, Ireentje en Margriet
Binn'n hier aalmaal weer zooals ie ziet.
't Is nou weer licht en zunneshien.
Bie sommigen nog nait misschien.
Maor 't Nederlandsche Volksherstel
Zörgt veur de menschen wel.
Laot elk daarom, wanneer het mout,
Een aander helpen en ook goud.

Nou is 't weer de tied om oet te gaon,
't Waark dat blift er wel veur staon.
's Aovends mag'n wie weer boeten
En gain verduustering meer veur de roeten,
Alles is weer volop glorie
En dat naore is memorie.
Ook gas en stroom is er weer wat
En törf, al is 't kletsnat,
Ook suuker en weer botter,
Alles gait al weer wat vlotter.